



Broj: 02-11-1041/20
Dana: 04.05.2020. godine

Na osnovu člana 39. Statuta općine Zavidovići («Službeni glasnik općine Zavidovići», broj 5/08 i 5a/08), člana 70. Zakona o javnim nabavkama BiH (Službeni glasnik BiH, broj: 39/14) u predmetu odabira najpovoljnije ponude za dodjelu ugovora javne nabavke radova: Izgradnja oborinske kanalizacije u poduzetničkoj zoni „Ekonomija-Batvice“, Općinski načelnik Zavidovići donosi

ODLUKU

Ponuda ponuđača GP „HELDOVAC“ d.o.o. Žepče za javnu nabavku radova: Izgradnja oborinske kanalizacije u poduzetničkoj zoni „Ekonomija-Batvice“, sa ukupnom cijenom od 256.815,00 KM (slovima: dvijestotinepedesetšesthiljadaosamstotinapetnaest i 00/100 KM), se prihvata kao NAJPOVOLJNIJA PONUDA.

Obrazloženje

Odlukom Općinskog načelnika broj: 02-11-1004/20 od 25.03.2020. godine pokrenut je postupak dodjele ugovora za javnu nabavku radova: Izgradnja oborinske kanalizacije u poduzetničkoj zoni „Ekonomija-Batvice“, putem otvorenog postupka.

Na adresu Općine Zavidovići do krajnjeg roka za dostavu ponuda 21.04.2020. godine do 10,30 sati dostavljeno je 7 (sedam) ponuda ponuđača: „TED INVEST“ d.o.o. Sarajevo, „INŽINJERING 1“ d.o.o. Jelah, „GEO-PUT“ d.o.o. Maglaj, „DŽENA“ d.o.o. Gradačac, „FLEX INVEST“ d.o.o. Sarajevo, GP „HELDOVAC“ d.o.o. Žepče i „POROBIĆ“ d.o.o. Zavidovići. Komisija za javne nabavke Općine Zavidovići je izvršila otvaranje ponuda 10.04.2020. godine u 11,00 sati u Sali za sastanke Općine Zavidovići, o čemu je sačinila zapisnik sa otvaranja ponuda 21.04.2020. godine i prvi zapisnik o pregledu i ocjeni ponuda dana 27.04.2020. godine.

Nakon utvrđivanja sadržaja svih podnesenih ponuda, Komisija je utvrdila da su sve dostavljene ponude formalno ispravne - tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke.

Nakon postupka e-aukcije, koji je proveden dana 29.04.2020. godine, a na osnovu Izvještaja o toku i završetku e-aukcije broj: 1374-1-3-20/20 od 29.04.2020. godine, Komisija za javnu nabavku radova dostavila je Zapisnik o pregledu i ocjeni ponuda broj: 02-11-1004/20 od 30.04.2020. godine sa preporukom o izboru najpovoljnijeg ponuđača u postupku javne nabavke radova: Izgradnja oborinske kanalizacije u poduzetničkoj zoni „Ekonomija-Batvice“.

Ponuda ponuđača GP „HELDOVAC“ d.o.o. Žepče sa ukupnom ponuđenom cijenom u iznosu 256.815,00 KM sa PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova: Izgradnja oborinske kanalizacije u poduzetničkoj zoni „Ekonomija-Batvice“, te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. a/a



OPĆINSKI NAČELNIK

mr.sci. Hašim Mujanović

